
ФАРҒОНАДА КЎЗИ ОЖИЗ ВА ЗАИФ КЎРУВЧИ БОЛАЛАР УЧУН БАЙРАМ ТАДБИРИ ТАШКИЛ ЭТИЛДИ

Бугун Президент маслаҳатчиси Бахтиёр Исломов бошчилигидаги Республика ишчи гуруҳи ташаббуси билан Фарғона шаҳридаги кўзи ожиз ва заиф кўрувчи болалар учун ихтисослаштирилган мактаб-интернатида таълим-тарбия олаётган ўқувчилар учун шаҳардаги “Файз” тантаналар мажмуасида тадбир ташкил этилди.

Тадбир давомида ўрганишлар жараёнида мактаб-интернати жамоаси томонидан билдирилган таклифлардан келиб чиқиб Брайл ёзувидаги бадий китоблар, спорт ва мусиқа тўгараклари учун жиҳозлар, ўқувчилар учун кийим-кечаклар тақдим этилди.

Шундан сўнг мактаб-интернати ўқувчи ва ўқитувчилари томонидан ватанни, тинчликни, меҳр-оқибатни тараннум этувчи қўшиқ ва шеърлар ижро этилди. Ўқувчилар ўз қўллари билан ясаган гуллар ва бошқа буюмларни устозлари ҳамда меҳмонларга тақдим этдилар.

Ички ишлар вазирлиги маданият саройи ашула ва рақс ансамбли ҳамда фарғоналик таниқли санъат намоёндалари томонидан ижро этилган дилтортар куй-қўшиқларга болажонлар мириқиб рақсга тушдилар.

Мактаб-интернати педагогик жамоаси ҳамда ўқувчилари кўрсатилган эътибор ва ғамхўрлик учун Давлатимиз раҳбарига ҳамда тадбирнинг барча ташкилотчиларига миннатдорчилик билдирдилар.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-02-24 14:52:32